



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

In Qvo Agitvr Nominatim De Sacerdotibus, Confessarijs, Magistris siue
Doctoribus, Concionatoribus, Episcopis & alijs Prælatiſ, eorumque
Ministerijs - In ſeptem Tractatus distributus ...

Puente, Luis de la

Coloniæ Agrippinæ, 1629

Author Christiano & pio Lectori.

[urn:nbn:de:hbz:466:1-45750](https://nbn-resolving.org/urn:nbn:de:hbz:466:1-45750)

De Ec
clesiast.
Hierarsh
c. 1. S.
Tho. 1.
par 9.
108. a.

10

1

2

3

4

5

PERVENIMVS TANDEM CHRISTIANE LE-
ctor ad ultimam operis nostri partem, quae est de Perfectione Chri-
stiana, Ecclesiastica & Republica propria, quam S. Dionysius Hierarchiam
appellat, & significat Sacrum Principatum: eò quòd sit congregatio qua-
dam Personarum obsequio Dei dedicatarum, & consecatarum in variis
Statibus, Officiis ac Ministeriis amplissimis, simul cum operibus Sacris
ac Diuinis: quorum fundamentum est Sacrum Ordinis Sacramentum:
quod complectitur septem partes, quas vocamus quatuor Ordines Mi-
nores, & tres Miores: inter quos Sacerdotium tanquam Sol inter se-
ptem Planetas eminet, ob maiorem suorum ministeriorum celsitudinem:
& quoniam reliqui omnes (vt idem S. affirmat) in eo conueniunt cum
maxima excellentia, Nam qui Sacerdotium dixit, Sacrorum simul
omnium vno vocabulo signauit ordinem. Quare excellentiores in
Sacerdotibus requirit virtutes qui ordines ipsos cum dignitate, qua par
est, exercere debent: cum vocati & electi à Deo fuerint particulari vo-
catione, ad eos exercendos. Quod totum est materia & argumentum
primi Tractatus. Secundi autem argumentum erit praeipuum Sa-
cerdotij Ministerium: quod est offerre Sacrosanctum Missae Sacrificium,
cuius amplitudinem, excellentiam, & fructus explicabimus cum omni-
bus, quae pertinent ad illud celebrandum, & cum perfectione audiendū.
Tertius Tractatus erit de ministerio communi omnibus, qui Sacro Or-
dine sunt insigniti, & multis alijs Ecclesiasticis ac Religiosis: de Horis
scilicet Canonicis legendis, aut in Choro decantandis eo spiritu ac deu-
otione, quae tale opus exigit, ad utilitates & commoda obtinenda, ad
quae dirigitur. Et quamuis non ita multò antè prodierit liber quidam
valde doctus ac pius: ad huius tamen plenitudinem opus fuit speciales
Tractatus de duobus his ministeriis addere. Quae cum sint adeo praestan-
tia ac praeclara nunquam desunt aliqua noua, quae intellectum illustrent
& voluntatem alliciant, ad ea aestimanda & exercenda, cum ea decentia,
qua par est. Ex quo pergemus ad Quartum Tractatum, in quo de Of-
ficiis ac ministeriis agitur, quae iuuant ad salutem & perfectionem pro-
ximorum: explicantes in genere, quae sunt omnibus communia: eorum
scilicet excellentias & vitae Sanctitatem cum reliquis talentis, quae offi-
cia ipsa exigunt, & vocatione Dei, quae ad ipsa est accedendum. In Quin-
to agitur in particulari de ministeriis Confessariorum: iactò primum
fundamento virtutum scientiae, ac prudentiae, in quibus, vt excellent,

audet

studere debent, addeturque perfectus modus seruandus in confessionibus
audiendis, in directione animarum circa res omnes obsequij Diuini;
in uisitantis infirmis, Xenodochiis, carcercibus, & in adiuuandis mo-
rituris, & exercendis septem operibus misericordie spiritualibus cum
singulis paenitentibus in particulari: reiecta instructione uniuersali ad
reliquos duos Tractatus. In Sexto proponuntur Officia & Ministe-
ria, litteras variasque scientias profertentium: explicatis in initio, qua
possunt esse communia discipulis & Magistris; Ecclesiasticis, Religiosis,
ac Secularibus, circa modum eas discendi ac docendi, & in disputatio-
nibus, ac lectionibus: deinde quae magis propria sunt Doctorum ac Pra-
dicatorum Euangelicorum in suis Concionibus, exhortationibus, Sacris-
que lectionibus: & exprimentur praecipuae uirtutes, in quibus debeant e-
minere; ut sua Ministeria cum Auditorum utilitate obeant. Ultimus
Tractatus complectetur Status & officia Episcoporum & omnium Prae-
latorum Ecclesiasticorum, ac Religiosorum, & indicabitur modus ad ea
accedendi ex Dei uocatione; uirtutes ac talenta, quibus ornati esse de-
beant; modus gubernandi suos subditos, & exercendi feruenter ac pru-
denter omnes gubernationis actus: quae omnia praecipue deducuntur ex
eis, quae Christus D. N. docuit S. Ioannem Euangelistam, & ipse annota-
uit ac misit in septem Epistolis ad Episcopos Asiae missis: ut expresse ha-
betur in primis tribus Apocalypsis capitibus. Et sic imponemus finem
huic operi & uiginti quatuor Tractatibus, quos complectitur. In quibus
iuxta exiguum meum talentum conatus sum ea omnia explicare, quae Chri-
stiana perfectio complectitur: tam in communi omnium Fidelium Statu,
quam in specialibus Statibus, Officiis, ac Ministeriis trium Rerum-
publ. Secularis, Ecclesiasticae, ac Religiosae, quas complectitur Ecclesia Ca-
tholica cuius correctioni humiliter subijcio quicquid in eis dixi: et quo-
niam ordinariè nos homines uero, bono, ac utili, quod à Diuino spiritu
communicatur, aliquid adiungimus de imbecillo, & imperfecto, quod ex
nobis ipsis habemus; supplex & ex toto corde peto, ignosci mihi errores
meos, Lectoribus uero huius operis communicare caelestem lucem, qua se-
parent preciosum à uili: attribuentes ignorantiae & paruitati meae, quod
uile & abiectum erit; Deo autem Domino nostro, quod bonum ac precio-
sum inuenient: utentes eo in bonum animarum suarum, & ad exequen-
dum perfecte res omnes status, & officij sui, ad gloriam Dei Domini no-
stri, qui est unicus ac tot alis finis omnium, quae scripsi.

INDEX